

# ҲАЛОЛ ҲАРОМ

halol.uz

## Ҳаром ейиш ва ҳаромдан топиш

Аллох таоло айтади: «Мол-дунёларингизни ораларингизда ноҳақ – ҳаром йўллар билан емангиз!..» (Бақара сураси, 188).

Яъни, бир-бирингизнинг молингизни – ҳаққингизни емангиз.

Ибн Аббос розийаллоху анхумо айтадилар: «Яъни, ноҳақ, ёлгон қасам билан киши биродарининг молини ўзиники қилиб олишдан қайтарди».

Бировнинг ҳаққини ейиш икки хил бўлади: зулм орқали – тортиб олиш, хиёнат, ўғрилик, ҳазил ва ўйин орқали – кимор ва бошқа бекорчи эрмақлар қаби.

Расулulloх соллаллоху алайҳи васаллам айтдилар: «Айрим кишилар Аллохнинг молига ноҳақ шўнгидилар. Киёмат кунида уларга дўзах бўлур» (Бухорий ривояти).

Пайгамбар соллаллоху алайҳи васаллам яна айтганлар: «Бир киши узок сафар қилади, сочи тўзғиб, уст-боши чанг бўлади. Кўлларини осмонга чўзиб: «Эй Раббим, эй Раббим», дейди. Холбуки, егани ҳаром, ичгани ҳаром, кийгани ҳаром ва ҳаромдан озикланган. Бас, унинг дуоси қандай ижобат бўлсин» (Муслим ривояти).

Абдуллох ибн Масъуд розийаллоху анхудан ривоят килинади: Расулulloх соллаллоху алайхи васаллам айтдилар: «Албатта, Аллох ўртангизда ризкларингизни таксимлаганидек, хулкларингизни ҳам таксимлагандир. Албатта, Аллох дунёни яхши кўрган ва яхши кўрмаган бандаларига бераверади, динни эса факат яхши кўрган бандасига беради. Аллох кимга динни ато этган бўлса, хакикатда уни яхши кўрибди. Жоним кўлида бўлган Зотга касамки, дили ва тили мусулмон бўлмагунча ҳеч бир банда мусулмон бўлмайди, то кўшниси «бавоик»идан омонда бўлмагунча иймонли бўлмайди». «Бавоик» нима?» дея сўрашган эди, «Алдов ва зулм», дедилар-да, давом этдилар: «Кайси бир банда харомдан мол топиб уни садака килса, қабул килинмайди, инфок-эхсон килса, баракаси бўлмайди, ўзидан кейин колдирса, дўзах учун хозирлаган озукаси бўлади. Аникки, Аллох ёмонликни ёмонлик билан ўчирмайди, билъакс, ёмонликни яхшилик ила ўчиради. Шубхасиз, нопок нопокни ўчирмайди» (Имом Ахмад ва бошқалар ривояти).

Каъб ибн Ужра розийаллоху анхудан ривоят килинади: Пайгамбар соллаллоху алайхи васаллам айтдилар: «Эй Каъб ибн Ужра, ноҳак – харомдан ўсган гўшт (жасад) жаннатга кирмайди» (Ибн Хиббон ривояти).

Оиша (розийаллоху анҳо)дан ривоят килинади: «Абу Бакр Сиддик розийаллоху анхунинг хирож тўлайдиган гуломи – кули бор эди. Абу Бакр унинг хирожидан тановул килар эдилар. Бир куни у зот кули томонидан олиб келинган таомни тановул кила бошладилар. Фулом Абу Бакрдан сўради: «Бу нималигини биласизми?» «Йўқ, у нима?» «Жоҳилиятда бир кишига фол очган эдим. Фолбинлик яхши бўлмаган, мен уни алдаган эдим. Халиги киши йўликиб, ўша ишим учун менга мана шу сиз еган нарсани берди», деган эди, Абу Бакр кўлларини огизларига тикиб, коринларидаги бор нарсани кайт килиб ташладилар» (Бухорий ривояти).

Абу Бакр Сиддик розийаллоху анхудан ривоят килинади: Расули Акрам соллаллоху алайхи васаллам айтдилар: «Харомдан озикланган ҳеч бир жасад жаннатга кирмайди» (Абу Яъло, Баззор ва бошқалар ривояти).

Ривоят килинадики, дунё халоватли, ям-яшил маскандир. Кимки унда халол мол топса ва ўрнига сарфласа, бу иши учун Аллох уни мукофотлайди, жаннатига киритади. Кимки дунёда харомдан мол топса ва ноўрин жойга сарфласа, Аллох уни дўзахга туширади. Аллох ва Расулининг молига тажовуз килганлар киёмат кунида дўзахга маҳкум бўлади. Яна бир ривоятда келадики: «Кимда-ким қаердан мол топаётганига эътибор бермаса, Аллох ҳам уни дўзахнинг кайси эшигидан киришига эътибор бермайди». Шунингдек, кимки ўн дирхамга кийим сотиб олса ва пулнинг бир дирхами харомдан топилган бўлса, модомики, ўша кийим эгнида экан, Аллох унинг намозини қабул килмаслиги ривоят килинган.

Абу Хурайра розийаллоху анху айтадилар: «Сизлардан ҳар бир киши огзига тупрок солиши харом лукма солишидан кўра хайрлироқдир».

Юсуф ибн Асбот розийаллоху анху айтганлар: «Агар биронта йигит ибодатга берилса, шайтон ўз ёрдамчиларига: «Каранглар-чи, таоми кандай экан?» дейди. Агар таоми ёмон (харом) бўлса, шайтон: «Уни ўз холига кўйинглар, кийналиб ҳаракат килаверсин. Сизларга нафси кифоя килади. Харом еб туриб килаётган хатти-ҳаракати унга фойда бермайди», дейди».

Ривоят килинадики: «Хар кеча-кундуз Байтул Макдисда бир фаришта: «Ким харом нарса еса, Аллох ундан нафл ибодатларни ҳам, фарз ибодатларни ҳам қабул килмайди», деб нидо килади».

Абдуллох ибн Муборак айтганлар: «Шубхали бир дирхамни тарк этишим юз минг дирхам садака килишимдан кўра афзалроқдир».

Вахб ибн Вард айтадилар: «Гарчи устундек коим бўлсанг ҳам, то корнингга халолми ёки харомми – нима кираётганига карамас экансан, фойдаси йўқ».

Ибн Аббоснинг бу хусусидаги сўзларига кулок тутинг: «Аллох таолога тавба килмагунича, корнида харом лукмаси бўлган кишининг намозини Аллох кабул килмайди».

Суфёни Саврий розийаллоху анху айтганларки: «Кимда-ким тоат учун харом нарсани инфок-эхсон килса, худди кийимни бавл ила ювгандек бўлади. Кийимни факатгина сув поклайди. Гунох эса факатгина сабабли халол ювилади».

Умар розийаллоху анху дейдилар: «Биз харом иш килишдан кўркиб, ўнта халолдан тўккизтасини тарк килардик».

Ривоят килинишича, ким харом мол-дунё билан хаж килса ва «лаббайка» деса, бир фаришта: «Сенга «лаббайка» бўлмасин, хажинг мардуддир (яъни макбул эмас)», дейди. Солихлардан бири вафот этгандан сўнг, бир киши уни тушида кўриб: «Аллох сизга қандай муомала килди?» деб сўраган экан, у киши: «Яхши. Бирок, мен бировдан қарзга игна олиб, қайтармаган эдим. Шу игна туфайли жаннатга киролмай турибман», деб жавоб берибди.

Уламолар фатаволарида куйидаги сўзлар бор: «Хоин, алдоқчи, ўгри, баттол, фоиз олувчи (судхўр) ва берувчи, етим молини еювчи, ёлгон гувоҳлик берувчи, қарзга бирон нарса олиб, ундан тонувчи, порахўр, ўлчов ва тарозидан уриб қолувчи, молининг айбини яшириб сотувчи, киморбоз, сеҳргар, мунажжим, фохиша, дод солиб йигловчи, сотувчидан сўрамай хақини олиб қолувчи даллол ва хур-озод одамни сотиб пулини еювчи қимсалар ҳам бошқаларнинг хақини ноҳақ еювчилар сирасига қиради».

Расулуллох соллаллоху алайхи васаллам айтдилар: «Киёмат қунида айрим кишиларни олиб келишади. Уларнинг Тухома тоғича келадиган яхшиликлари бўлади. Улар келтирилгач, Аллох уларнинг яхшиликларини тўзгиган губорга айлантириб қўяди-да, ўзлари дўзахга улоқтирилади». «Ё Расулуллох, бундай бўлишининг боиси недур?» дея сўрашган эди: «Улар намоз ўқир, рўза тутар ва хаж қилар эдилар. Бирок, улар бирон-бир харом нарсага дуч келсалар, уни олишар эди. Шу боис, Аллох уларнинг амалларини беҳуда қилади», деб жавоб бердилар» (Табароний ривояти).

Аллох таолодан афв, офият ва Ўзи суйган, рози бўлган ишларга муваффақ қилишини тилаймиз. Албатта, У саховатли, марҳаматли, меҳрибон ва раҳмли зотдир.

Имоми Хофиз Шамсуддин Захабийнинг  
"Гуноҳи кабиралар" китобидан